

**-UPRAVNI ODBOR-**

Broj: 02-6-2/23

Sarajevo, 21. 02. 2023. godine

Na osnovu člana 59. Zakona o visokom obrazovanju („Službene novine Kantona Sarajevo“, broj 36/22), člana 55. Statuta Univerziteta u Sarajevu i člana 37. stav (1) Poslovnika o radu Upravnog odbora Univerziteta u Sarajevu, oslonom na Zahtjev voditeljice projekta prof. dr. Sande Midžić Kurtagić i dekana Univerziteta u Sarajevu – Mašinskog fakulteta, prof. dr. Izeta Bijelonje za saglasnost za potpisivanje Ugovora o partnerstvu u okviru međunarodnog projekta pod nazivom „*Adrion Master On Circular Economy and Bioeconomy*“ – AMOCEAB, finansiranog od strane INTERREG V-B-Adriatic Ionian ADRION Programme, Upravni odbor Univerziteta u Sarajevu, na 12. redovnoj sjednici održanoj, *elektronskim putem*, dana 21. 02. 2023. godine, donio je *s l j e d e ć u*

O D L U K U**I**

Daje se **saglasnost** rektoru Univerziteta u Sarajevu prof. dr. Rifatu Škrijelju za potpisivanje Ugovora o partnerstvu u okviru međunarodnog projekta pod nazivom „*Adrion Master On Circular Economy and Bioeconomy – Adrion Master o kružnom gospodarstvu i bioekonomiji AMOCEAB*“, finansiranog od strane INTERREG V-B-Adriatic Ionian ADRION Programme, broj Projekta: 1313, koji se zaključuje između Università Politecnica delle Marche (Polytechnic University of Marche), Ancona, Republika Italija u svojstvu koordinatora projekta i Univerziteta u Sarajevu u kojem se Univerzitet u Sarajevu javlja kao projekt partner (korisnik).

II

Sredstva koja su Budžetom projekta planirana Univerzitetu u Sarajevu iznose 70.588,24 EUR (odgovarajuća protuvrijednost u KM) i ista će se unijeti u Budžet (Finansijski plan) Univerziteta u Sarajevu.

III

Ovlašćuje se rektor Univerziteta u Sarajevu za implementaciju Ugovora iz tačke I ove odluke, putem Univerziteta u Sarajevu – Mašinskog fakulteta, uz obavezu da izvijesti Upravni odbor Univerziteta u Sarajevu o implementaciji istog.

IV

Za realizaciju ove Odluke zadužuje se Univerzitet u Sarajevu – Mašinski fakultet i Centar za istraživanje i razvoj Univerziteta u Sarajevu.

MP

Ova Odluka stupa na snagu danom donošenja.

O b r a z l o ž e n j e

Upravnom odboru Univerziteta u Sarajevu je pod posredstvom Centra za istraživanje i razvoj Univerziteta u Sarajevu, dostavljen zahtjev sa pratećim dokumentima od 31. 01. 2023. godine, kojim se traži saglasnost za potpisivanje Ugovora o partnerstvu u okviru međunarodnog projekta pod nazivom „*Adrion Master On Circular Economy and Bioeconomy – Adrion Master o kružnom gospodarstvu i bioekonomiji – AMOCEAB*“, finansiranog od strane *INTERREG V-B-Adriatic Ionian ADRION Programme* za projekat, broj Projekta: 1313.

Ugovor u okviru projekta pod nazivom „*Adrion Master On Circular Economy and Bioeconomy*“ – *AMOCEAB* zaključuje se između Università Politecnica delle Marche (Polytechnic University of Marche) u svojstvu koordinatora projekta i Univerziteta u Sarajevu u kojem se Univerzitet u Sarajevu javlja kao projekt partner (korisnik).

Projekt provodi konzorcij od 10 partnera/korisnika i isti će biti implementiran u periodu od 8 mjeseci i 29 dana. Univerzitet u Sarajevu će provoditi projekat putem Univerziteta u Sarajevu – Mašinskog fakulteta. Univerzitetu u Sarajevu su budžetom projekta odobrena sredstva u iznosu od 70.588,24 EUR, koja će se unijeti u Budžet (Finansijski plan) Univerziteta u Sarajevu.

U skladu sa navedenim, Upravni odbor je donio odluku kao u dispozitivu.



**PREDSJEDNIK
UPRAVNOG ODBORA**

Dr. sc. Murat Ramadanović



Dostaviti:

- Rektor Univerziteta u Sarajevu
- Predsjedniku i članovima Upravnog odbora Univerziteta u Sarajevu
- Univerzitetu u Sarajevu – Mašinskom fakultetu
- Centru za istraživanje i razvoj Univerziteta u Sarajevu
- Generalnom sekretaru Univerziteta u Sarajevu
- Službi za računovodstvo i finansije Univerziteta u Sarajevu
- Službi za plan i analizu Univerziteta u Sarajevu
- U dokumentaciju Upravnog odbora Univerziteta u Sarajevu
- a/a.

**-UPRAVNI ODBOR-**

Broj: 02-6-3/23

Sarajevo, 21. 02. 2023. godine

Na osnovu člana 59. Zakona o visokom obrazovanju („Službene novine Kantona Sarajevo“, broj 36/22), člana 55. Statuta Univerziteta u Sarajevu i člana 37. stav (1) Poslovnika o radu Upravnog odbora Univerziteta u Sarajevu, oslonom na Zahtjev voditeljice projekta doc. dr. Senke Ibrišimbegović i dekana Univerziteta u Sarajevu – Arhitektonskog fakulteta, prof. dr. Erdina Salihovića za saglasnost za potpisivanje Ugovora o grantu, Upravni odbor Univerziteta u Sarajevu je na 12. redovnoj sjednici održanoj, *elektronskim putem*, dana 21. 02. 2023. godine, donio *s l j e d e ć u*

ODLUKU**I**

Daje se **saglasnost** rektoru Univerziteta u Sarajevu, prof. dr. Rifatu Škrijelju za pristupanje Ugovora o grantu u okviru Erasmus + projekta pod nazivom „*Arhitecture Pop up Lab Exchange*“ - *APLE*, broj Projekta: 101082800, koji se zaključuje između Izvršne agencije za obrazovanje i audiovizuelnu kulturu Evropske unije (EACEA) iz Brisela (EU) i Univerziteta u Sarajevu, kao koordinatora projekta.

II

Sredstva koja su Budžetom projekta planirana Univerzitetu u Sarajevu iznose 177.861,00 EUR (odgovarajuća protuvrijednost u KM) i ista će se unijeti u Budžet (Finansijski plan) Univerziteta u Sarajevu.

III

Ovlašćuje se rektor Univerziteta u Sarajevu za implementaciju Ugovora iz tačke I ove odluke, putem Univerziteta u Sarajevu – Arhitektonskog fakulteta, uz obavezu da izvijesti Upravni odbor Univerziteta u Sarajevu o implementaciji istog.

IV

Za realizaciju ove Odluke zadužuje se Univerzitet u Sarajevu i Centar za istraživanje i razvoj Univerziteta u Sarajevu.

V

Ova Odluka stupa na snagu danom donošenja.

48

Obrazloženje

Upravnom odboru Univerziteta u Sarajevu je pod posredstvom Centra za istraživanje i razvoj Univerziteta u Sarajevu, dostavljen zahtjev sa pratećim dokumentima od 13. 02. 2023. godine, kojim se traži saglasnost za pristupanje Ugovora o grantu, zaključenog između Izvršne agencije za obrazovanje i audiovizuelnu kulturu Evropske unije (EACEA) iz Brisela (EU) i Univerziteta u Sarajevu, kao koordinatora projekta, za projekat pod nazivom „*Arhitecture Pop up Lab Exchange*“ - *APLE*, broj Projekta: 101082800.

Grant ugovor u okviru projekta pod nazivom „*Arhitecture Pop up Lab Exchange*“ - *APLE*“ zaključuje se između Izvršne agencije za obrazovanje i audiovizuelnu kulturu Evropske unije (EACEA) iz Brisela (EU) i Univerziteta u Sarajevu, kao koordinatora projekta, te potpisuje Formular za pristupanje ugovoru (*Accession Form*).

Projekt provodi konzorcij od 6 (šest) partnera/korisnika i isti će biti implementiran u periodu od 36 mjeseci. Univerzitet u Sarajevu će provoditi projekat putem Univerziteta u Sarajevu – Arhitektonskog fakulteta. Univerzitetu u Sarajevu su budžetom projekta odobrena sredstva u iznosu od 177.861,00 EUR, koja će se unijeti u Budžet (Finansijski plan) Univerziteta u Sarajevu.

U skladu sa navedenim, Upravni odbor je donio odluku kao u dispozitivu.



**PREDSJEDNIK
UPRAVNOG ODBORA**

Dr. sc. Murat Ramadanović



Dostaviti:

- Rektor u Univerziteta u Sarajevu
- ☒ Predsjedniku i članovima Upravnog odbora Univerziteta u Sarajevu
- Univerzitetu u Sarajevu – Arhitektonskom fakultetu
- Voditelju projekta, putem Centra za istraživanje i razvoj Univerziteta u Sarajevu
- Centru za istraživanje i razvoj Univerziteta u Sarajevu
- Službi za računovodstvo i finansije Univerziteta u Sarajevu
- Službi za plan i analizu Univerziteta u Sarajevu
- U dokumentaciju Upravnog odbora Univerziteta u Sarajevu
- a/a.

Univerzitet u Sarajevu – Obala Kulina bana 7/II, 71000 Sarajevo – Bosna i Hercegovina

Telefon: ++387(33)226-378; ++387(33)668-250 - fax: ++387(33)226-379

<http://www.unsa.ba>
[email: javnost@unsa.ba](mailto:javnost@unsa.ba)

**-UPRAVNI ODBOR-**

Broj: 02-6-4/23

Sarajevo, 21. 02. 2023. godine

Na osnovu člana 59. Zakona o visokom obrazovanju („Službene novine Kantona Sarajevo“, broj 36/22), člana 55. Statuta Univerziteta u Sarajevu sa pratećim izmjenama i dopunama i člana 37. stav (1) Poslovnika o radu Upravnog odbora Univerziteta u Sarajevu, razmatrajući Prigovor podnositeljice Ervine Kusture, radnice Univerziteta u Sarajevu – Šumarskog fakulteta, dostavljen putem prvostepenog organa, izjavljen na Rješenje dekana Univerziteta u Sarajevu – Šumarskog fakulteta, broj: 01/1-3870/22-2 od 27. 12. 2022. godine, Upravni odbor Univerziteta u Sarajevu je, na 12. redovnoj sjednici, održanoj elektronskim putem dana 21. 02. 2023. godine donio *s l j e d e ć u*

ODLUKU**I**

Prigovor podnositeljice Ervine Kusture, radnice Univerziteta u Sarajevu – Šumarskog fakulteta, raspoređene na radnom mjestu *viši samostalni referent za protokol, arhivu i opšte poslove*, izjavljen na Rješenje dekana Univerziteta u Sarajevu – Šumarskog fakulteta, broj: 01/1-3870/22-2 od 27. 12. 2023. godine, *prihvata se kao osnovan*.

II

Nalaže se dekanu Univerziteta u Sarajevu – Šumarskog fakulteta da podnositeljici Prigovora izvrši isplatu naknade za neiskorišteni dio godišnjeg odmora.

III

Ova odluka stupa na snagu danom donošenja.

O b r a z l o ž e n j e

Upravnom odboru Univerziteta u Sarajevu kao drugostepenom organu je dana 23. 01. 2023. godine, putem prvostepenog organa Univerziteta u Sarajevu – Šumarskog fakulteta, dostavljen Prigovor podnositeljice Ervine Kusture, radnice Univerziteta u Sarajevu – Šumarskog fakulteta, raspoređene na radnom mjestu *viši samostalni referent za protokol, arhivu i opšte poslove*, izjavljen na Rješenje dekana Univerziteta u Sarajevu – Šumarskog fakulteta, broj: 01/1-3870/22-2 od 27. 12. 2022. godine (u daljem tekstu: prvostepeno Rješenje) uz očitovanje prvostepenog organa o predmetnom.

Razmatrajući podneseni Prigovor, drugostepeni organ je cijenio:

- a. Da li su prilikom donošenja prvostepenog Rješenja pravilno primijenjena pravila utvrđena zakonskim propisima i općim aktima Univerziteta,
- b. Da li su potpuno i tačno utvrđene činjenice,
- c. Da li su pravilno primijenjeni izvori prava.

Univerzitet u Sarajevu – Obala Kulina bana 7/II, 71000 Sarajevo – Bosna i Hercegovina

Telefon: ++387(33)226-378; ++387(33)668-250 - fax: ++387(33)226-379

<http://www.unsa.ba>

[email: javnost@unsa.ba](mailto:javnost@unsa.ba)

68

Nadležnost drugostepenog tijela zasniva se članom 59. Zakona o visokom obrazovanju i članom 55. tačkom k) Statuta Univerziteta u Sarajevu sa pratećim izmjenama i dopunama, kojom se utvrđuje da Upravni odbor odlučuje o prigovorima/žalbama zaposlenika na odluke tijela Univerziteta/članice koja su u prvom stepenu odlučivala o pravima, obavezama i odgovornostima zaposlenika iz radnog odnosa.

U svom Prigovoru, podnositeljica ističe da je prvostepeni organ postupio suprotno odredbi člana 52. stav 4. Zakona o radu FBiH („Službene novine FBiH“, broj 26/16, 89/18 i 44/22), kojim je propisano da je poslodavac, u slučaju prestanka ugovora o radu, dužan radniku koji nije iskoristio cijeli ili dio godišnjeg odmora isplatiti naknadu umjesto korištenja godišnjeg odmora u iznosu koji bi primio da je koristio cijeli, odnosno preostali dio godišnjeg odmora, ako godišnji odmor ili njegov dio nije iskoristio krivicom poslodavca.

U obrazloženju Rješenja prvostepenog organa navedeno je da je imenovanoj odobreno korištenje godišnjeg odmora na osnovu prethodno podnesenog Zahtjeva, broj: 01/1-3870/22 od 27. 12. 2022. godine u iznosu od 20 dana, obzirom da se nisu stekli uslovi za korištenjem cijelog godišnjeg odmora za 2023. godinu (30 dana), imajući u vidu da ista ispunjava uslov od 40 godina radnog staža, te sa danom 02. 02. 2023. godine, odlazi u penziju. Pored toga, prvostepeni organ navodi da je prema članu 52. stav (4) Zakona o radu Federacije Bosne i Hercegovine poslodavac dužan izvršiti isplatu za preostali dio godišnjeg odmora koji nije iskorišten, ako nije iskorišten krivicom poslodavca i da u konkretnom slučaju ne postoji krivica poslodavca, jer je ispunjenje uslova u pogledu staža van odluke poslodavca, te iz tih razloga nije dužan izvršiti isplatu za preostali dio godišnjeg odmora.

Obzirom da je Prigovor podnositeljice formalno pravno ispravan (blagovremen, podnesen od strane ovlaštene osobe i potpun), Upravni odbor je cijeneći nadležnosti utvrđene Statutom Univerziteta u Sarajevu, predmetni prigovor rezimirao na sljedeći način:

Shodno odredbi člana 69. stav (1) Zakona o visokom obrazovanju („Službene novine Kantona Sarajevo“, broj 36/22), propisano je da Vijeće donosi odluku o svim akademskim, nastavnim, naučnim, umjetničkim i stručnim pitanjima u okviru svoje nadležnosti. U konkretnom slučaju, Vijeće nije bilo nadležno za odlučivanje o prigovoru imenovane, imajući u vidu odredbu člana 59. Zakona o visokom obrazovanju stav (2) tačka o) i člana 55. tačka k) Statuta Univerziteta u Sarajevu sa pratećim izmjenama i dopunama, kojom se utvrđuje nadležnost Upravnog odbora, kao drugostepenog organa kojim je propisano da isti odlučuje o prigovorima/žalbama zaposlenika na odluke tijela Univerziteta/članice, koja su u prvom stepenu odlučivala o pravima, obavezama i odgovornostima zaposlenika iz radnog odnosa.

Nadalje, članom 52. stav (1) i (2) Zakona o radu Federacije Bosne i Hercegovine, kojim se reguliše radno pravni status radnika Univerziteta u Sarajevu, propisano je da plan korištenja godišnjeg odmora utvrđuje poslodavac, uz prethodnu konsultaciju sa radnicima ili njihovim predstavnicima u skladu sa zakonom, uzimajući u obzir potrebe posla, kao i opravdane razloge radnika, te da je poslodavac dužan pisanom odlukom obavijestiti radnika o trajanju godišnjeg odmora i periodu njegovog korištenja najmanje sedam dana prije korištenja godišnjeg odmora. Iz čega proizilazi stav (4) ovog člana, koji propisuje da je u slučaju prestanka ugovora o radu, poslodavac dužan radniku koji nije iskoristio cijeli ili dio godišnjeg odmora isplatiti naknadu

umjesto korištenja godišnjeg odmora u iznosu koji bi primio da je koristio cijeli, odnosno preostali dio godišnjeg odmora, ako godišnji odmor ili njegov dio nije iskoristio krivicom poslodavca.

Dalje, poštivajući odredbu člana 58. stav (2) i (3) Jedinstvenog pravilnika o radu Univerziteta u Sarajevu, propisano je da se radniku ne može izvršiti isplata naknade umjesto korištenja godišnjeg odmora, osim u slučaju prestanka ugovora o radu, prije nego je iskoristio cijeli ili dio godišnjeg odmora, te da se naknada umjesto korištenja godišnjeg odmora isplaćuje u iznosu koji bi radnik primio da je koristio cijeli odnosno preostali dio godišnjeg odmora ako godišnji odmor ili njegov dio nije iskoristio krivicom poslodavca.


Pored navedenog, odredbom člana 59. Jedinstvenog pravilnika o radu Univerziteta u Sarajevu, proizilazi obaveza planiranja godišnjeg odmora radniku, koja se utvrđuje u skladu sa akademskim kalendarom i programom rada poslodavca, te da rektor/dekan/ direktor donosi rješenje koje sadrži podatke o trajanju godišnjeg odmora i periodu njihovog korištenja. Potom se rješenje o korištenju godišnjeg odmora dostavlja radniku najmanje sedam dana prije korištenja godišnjeg odmora.

Zaključno, a oslonom na odredbu člana 94. Zakona o radu kojim se utvrđuju načini prestanka ugovora o radu, te da je podnositeljica Prigovora ispunila uvjete za prestanak ugovora o radu radi navršenih 40 godina staža osiguranja u skladu sa propisima o penzijskom i invalidskom osiguranju, proizilazi da je poslodavac bio u obavezi voditi računa o podacima iz matične evidencije radnike vezanim za staž osiguranja i ispunjenost uvjeta za prestanak ugovora o radu po ovom osnovu. U skladu sa tim poslodavac je bio u obavezi isplanirati godišnji odmor ili u slučaju nemogućnosti odobravanja godišnjeg odmora cjelini, isplatiti dio naknade umjesto korištenja godišnjeg odmora u iznosu koji bi radnik primio da je koristio cijeli odnosno preostali dio godišnjeg odmora.

S obzirom na naprijed naznačeno, Upravni odbor Univerziteta u Sarajevu odlučio je kao u dispozitivu.

Pouka o pravnom lijeku:

Ova Odluka je konačna i protiv iste se može podnijeti tužba pred nadležnim sudom u roku od 30 dana od dana prijema ove Odluke.



**PREDSJEDNIK
UPRAVNOG ODBORA**

Dr. sc. Murat Ramadanović

Dostaviti:

- Podnositeljici Prigovora, putem Univerziteta u Sarajevu – Šumarskog fakulteta
- Univerzitetu u Sarajevu – Šumarskom fakultetu
- Predsjedniku i članovima Upravnog odbora Univerziteta u Sarajevu
- U dokumentaciju Upravnog odbora Univerziteta u Sarajevu
- Generalnom sekretaru Univerziteta u Sarajevu
- a/a.

Univerzitet u Sarajevu – Obala Kulina bana 7/II, 71000 Sarajevo – Bosna i Hercegovina

Telefon: ++387(33)226-378; ++387(33)668-250 - fax: ++387(33)226-379

<http://www.unsa.ba>

[email: javnost@unsa.ba](mailto:javnost@unsa.ba)

**-UPRAVNI ODBOR-**

Broj: 02-6-5/23

Sarajevo, 21. 02. 2023. godine

Na osnovu člana 59. Zakona o visokom obrazovanju („Službene novine Kantona Sarajevo“, broj: 36/22), člana 55. Statuta Univerziteta u Sarajevu i člana 37. stav (1) Poslovnika o radu Upravnog odbora Univerziteta u Sarajevu, razmatrajući Prigovor podnositeljice Irme Mutapčić na Odluku dekana Univerziteta u Sarajevu – Šumarskog fakulteta o izboru kandidata za prijem u radni odnos, broj: 01/1-293/23 od 31. 01. 2023. godine, Upravni odbor Univerziteta u Sarajevu je, na svojoj 12. redovnoj sjednici, održanoj elektronskim putem dana 21. 02. 2023. godine *d o n i o*

O D L U K U**I**

Prigovor podnositeljice Irme Mutapčić izjavljen na Odluku dekana Univerziteta u Sarajevu – Šumarskog fakulteta o izboru kandidata za prijem u radni odnos, broj: 01/1-293/23 od 31. 01. 2023. godine, ***odbija se kao neosnovan.***

II

Ova odluka stupa na snagu danom donošenja.

O b r a z l o ž e n j e

Upravnom odboru Univerziteta u Sarajevu je dana 06. 02. 2023. godine (podnesak upućen i putem drugostepenog tijela, neposredno i putem prvostepenog tijela, posredno) dostavljen Prigovor podnositeljice Irme Mutapčić izjavljen na Odluku dekana Univerziteta u Sarajevu – Šumarskog fakulteta o izboru kandidata za prijem u radni odnos, broj: 01/1-293/23 od 31. 01. 2023. godine (u daljem tekstu: *Odluka*), kojom se u radni odnos na radno mjesto *pomoćni radnik – higijeničar* prima Amra Kapur na neodređeno vrijeme, sa punim radnim vremenom.

Razmatrajući podneseni Prigovor, drugostepeni organ je cijenio:

- a. Da li su u postupku prijema u radni odnos pravilno primijenjena pravila utvrđena zakonskim propisima i općim aktima Univerziteta,
- b. Da li su potpuno i tačno utvrđene činjenice,
- c. Da li su pravilno primijenjeni izvori prava.

U svom Prigovoru podnositeljica Irma Mutapčić ističe da se prijavila na Javni oglas za prijem u radni odnos nenastavnog osoblja - radno mjesto *pomoćni radnik - higijeničar* objavljen dana 21. 12. 2022. godine na službenoj stranici JU Služba za zapošljavanje Kantona Sarajevo i da je priložila svu potrebnu dokumentaciju, koja se tražila predmetnim Javnim oglasom. Podnositeljica dalje navodi da cijeni da Komisija imenovana za provođenje procedure prijema u radni odnos (u daljem tekstu: Komisija) nije ispoštovala zakonske standarde, uopćeno pravila, kao ni Poslovnik o radu Komisije, te s tim u vezi traži da se preispita nadležnost i rad Komisije.

Nadalje naznačava da je imenovani supervizor bio obavezan da u slučaju da uoči određenu nepravilnost, poduzme radnje u cilju otklanjanja i sprečavanja svakog vida zloupotrebe. U odnosu na provedenu proceduru konkretne primjedbe su date na način bodovanja od strane Komisije na usmenom dijelu ispita, u smislu da se favorizirala kandidatkinja koja je prvorangirana i da je imenovana oštećena na način da joj nije uzeta u obzir Potvrda/uvjerenje o nezaposlenosti JU Službe za zapošljavanje Kantona Sarajevo.

Dana 07. 02. 2023. godine predmetni Prigovor je putem prvostepenog tijela odnosno Univerziteta u Sarajevu – Šumarskog fakulteta, uz Izjašnjenje Univerziteta u Sarajevu – Šumarskog fakulteta, dostavljen drugostepenom tijelu, Upravnom odboru na postupanje.

U pomenutom Izjašnjenju (Odgovor na prigovor) prvostepenog tijela se ističe da je predmetni Prigovor kandidatkinje Irme Mutapčić u cijelosti neosnovan, paušalan i kontradiktoran u odnosu na provedenu proceduru prijema u radni odnos. U odnosu na navode iz Prigovora, nadalje se naznačava da je Dekan Univerziteta u Sarajevu – Šumarskog fakulteta imenovao Komisiju koja je u potpunosti provela proceduru prijema u radni odnos u skladu sa Uredbama o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo“, br. 19/21 i 10/22) i Pravilnikom o radu Komisije za provođenje Javnog oglasa, broj: 01/1-3737/22 od 16. 12. 2022. godine. Zatim se ističe da tvrdnja u predmetnom Prigovoru da Potvrda/uvjerenje o nezaposlenosti nije uzeta u obzir prilikom bodovanja nije osnovana, jer se na osnovu navedene Potvrde ne dobijaju dodatni bodovi, nego ista služi kao dokaz na osnovu kojeg se ostvaruje pravo na dodatne bodove za kategorije utvrđene Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, gradu Sarajevo i općinama u Kantonu Sarajevo („Službene novine Kantona Sarajevo“, br. 37/20 i 27/21).

Obzirom da je Prigovor Podnositelja formalno pravno ispravan (blagovremen, podnesen od strane ovlaštene osobe i potpun), Upravni odbor je činjenice slučaja, rezimirao na sljedeći način:

- Da je Dekan Univerziteta u Sarajevu – Šumarskog fakulteta u skladu sa odredbom člana 8. Uredbe o postupku prijema u radni odnos u javnom sektoru na teritorij Kantona Sarajevo („Službene novine Kantona Sarajevo“, br. 19/21 i 10/22) – (u daljem tekstu: *Uredba*) imenovao Komisiju za provođenje postupka prijema u radni odnos iz reda zaposlenika Univerziteta u Sarajevu – Šumarskog fakulteta, koja je provela proceduru prijema u radni odnos prema fazama utvrđenim tom Uredbom.
Stoga Upravni odbor Univerziteta u Sarajevu konstatira da je imenovana Komisija po tom osnovu imala ovlaštenje/nadležnost za postupanje.
- Da je imenovana Komisija donijela Poslovnik o radu Komisije za provođenje javnog oglasa za prijem u radni odnos na neodređeno vrijeme, broj: 01/1-3737/22 od 16. 12. 2022. godine (u daljem tekstu: *Poslovnik*), kojim je regulirala način rada Komisije.
- Da je predmetnim poslovnikom preciziran način provođenja usmenog ispita, kao i način bodovanja, a to je da se bodovanje vrši u rasponu od 1 do 5 bodova, te na osnovu kriterija za bodovanje utvrđenih članom 18. predmetnog Poslovnika, što je i primijenjeno u konkretnoj proceduri.

- Da iz dostavljene Liste uspješnih kandidata predočene Dekanu Univerziteta u Sarajevu – Šumarskog fakulteta na osnovu koje je Dekan donio predmetnu Odluku proizilazi da je za podnositeljicu Prigovora uzeta u obzir Potvrda/uvjerenje o nezaposlenosti JU Službe za zapošljavanje Kantona Sarajevo, jer je na osnovu iste ostvarila dodatne bodove, i
- da je kompletnu proceduru pratio supervizor koji je imenovan od strane Ureda za borbu protiv korupcije i upravljanje kvalitetom Kantona Sarajevo, sa zadatkom da kao nepristrano lice vrši nadzor nad provođenjem postupka prijema u radni odnos, te da isti nije imao primjedbe ni u pogledu povrede pravila postupka, kao ni na rad imenovane Komisije.

U odnosu na prethodno rečeno, Upravni odbor Univerziteta u Sarajevu konstatira da je prvostepeno tijelo, dekan Univerziteta u Sarajevu – Šumarskog fakulteta donoseći Odluku o prijemu radni odnos, broj: 01/1-293/23 od 31. 01. 2023. godine, istu donio u skladu sa pozitivno-pravnim propisima.

S obzirom na naprijed naznačeno, Upravni odbor Univerziteta u Sarajevu odlučio je kao u dispozitivu.

Pouka o pravnom lijeku:

Ova Odluka je konačna i protiv iste se može podnijeti tužba pred nadležnim sudom u roku od 30 dana od dana prijema ove Odluke.



**PREDSJEDNIK
UPRAVNOG ODBORA**

Dr. sc. Murat Ramadanović

Dostaviti:

- Podnositeljici prigovora, putem članice Univerziteta u Sarajevu – Šumarskog fakulteta na adresu ul. Rosulje br. 3, Vogošća, BiH
- Univerzitetu u Sarajevu – Šumarskom fakultetu
- Predsjedniku i članovima UO
- U dokumentaciju UO
- Generalnom sekretaru
- a/a

Univerzitet u Sarajevu – Obala Kulina bana 7/II, 71000 Sarajevo – Bosna i Hercegovina

Telefon: ++387(33)226-378; ++387(33)668-250 - fax: ++387(33)226-379

<http://www.unsa.ba>

[email: javnost@unsa.ba](mailto:javnost@unsa.ba)

**-UPRAVNI ODBOR-**

Broj: 02-6-6/23

Sarajevo, 21. 02. 2023. godine

Na osnovu člana 59. Zakona o visokom obrazovanju („Službene novine Kantona Sarajevo“, broj 36/22), člana 55. Statuta Univerziteta u Sarajevu i člana 37. stav (1) Poslovnika o radu Upravnog odbora Univerziteta u Sarajevu, razmatrajući Prigovor podnositeljice Merime Radončić na Odluku dekana Univerziteta u Sarajevu – Šumarskog fakulteta o izboru kandidata za prijem u radni odnos, broj: 01/1-293/23 od 31. 01. 2023. godine, Upravni odbor Univerziteta u Sarajevu je, na svojoj 12. redovnoj sjednici, održanoj *elektronskim putem* dana 21. 02. 2023. godine *d o n i o*

ODLUKU**I**

Prigovor podnositeljice Merime Radončić izjavljen na Odluku dekana Univerziteta u Sarajevu – Šumarskog fakulteta o izboru kandidata za prijem u radni odnos, broj: 01/1-293/23 od 31. 01. 2023. godine, *odbija se kao neosnovan.*

II

Ova odluka stupa na snagu danom donošenja.

O b r a z l o ž e n j e

Upravnom odboru Univerziteta u Sarajevu je dana 03. 02. 2023. godine (podnesak upućen i putem drugostepenog tijela, neposredno i putem prvostepenog tijela, posredno) dostavljen Prigovor podnositeljice Merime Radončić izjavljen na Odluku dekana Univerziteta u Sarajevu – Šumarskog fakulteta o izboru kandidata za prijem u radni odnos, broj: 01/1-293/23 od 31. 01. 2023. godine (u daljem tekstu: *Odluka*), kojom se u radni odnos na radno mjesto *pomoćni radnik – higijeničar* prima Amra Kapur na neodređeno vrijeme, sa punim radnim vremenom.

Razmatrajući podneseni Prigovor, drugostepeni organ je cijenio:

- a. Da li su u postupku prijema u radni odnos pravilno primijenjena pravila utvrđena zakonskim propisima i općim aktima Univerziteta,
- b. Da li su potpuno i tačno utvrđene činjenice,
- c. Da li su pravilno primijenjeni izvori prava.

U svom Prigovoru podnositeljica Merima Radončić ističe da se prijavila na Javni oglas za prijem u radni odnos nenastavnog osoblja - radno mjesto *pomoćni radnik - higijeničar* objavljen dana 21. 12. 2022. godine na službenoj stranici JU Služba za zapošljavanje Kantona Sarajevo i da je priložila svu potrebnu dokumentaciju, koja se tražila predmetnim Javnim oglasom. Podnositeljica dalje navodi da cijeni da Komisija imenovana za provođenje procedure prijema u radni odnos (u daljem tekstu: Komisija) nije ispoštovala zakonske standarde, uopćeno pravila, kao ni Poslovnik o radu Komisije, te s tim u vezi traži da se preispita nadležnost i rad Komisije. Nadalje, naznačava da je imenovani supervizor bio obavezan da u slučaju da uoči određenu nepravilnost, poduzme

15

radnje u cilju otklanjanja i sprečavanja svakog vida zloupotrebe. U odnosu na provedenu proceduru konkretne primjedbe su date na način bodovanja od strane Komisije na usmenom dijelu ispita, u smislu da se favorizirala kandidatkinja koja je prvorangirana i da je imenovana oštećena na način da joj nije uzeta u obzir Potvrda/uvjerenje o nezaposlenosti JU Službe za zapošljavanje Kantona Sarajevo.

Dana 07. 02. 2023. godine predmetni Prigovor je putem prvostepenog tijela odnosno Univerziteta u Sarajevu – Šumarskog fakulteta, uz Izjašnjenje Univerziteta u Sarajevu – Šumarskog fakulteta, dostavljen drugostepenom tijelu, Upravnom odboru na postupanje.

U pomenutom Izjašnjenju (Odgovor na prigovor) prvostepenog tijela se ističe da je predmetni Prigovor kandidatkinje Merime Radončić u cijelosti neosnovan, paušalan i kontradiktoran u odnosu na provedenu proceduru prijema u radni odnos. U odnosu na navode iz Prigovora, nadalje se naznačava da je Dekan Univerziteta u Sarajevu – Šumarskog fakulteta imenovao Komisiju koja je u potpunosti provela proceduru prijema u radni odnos u skladu sa Uredbama o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo“, br. 19/21 i 10/22) i Pravilnikom o radu Komisije za provođenje Javnog oglasa, broj: 01/1-3737/22 od 16. 12. 2022. godine. Zatim se ističe da tvrdnja u predmetnom Prigovoru da Potvrda/uvjerenje o nezaposlenosti nije uzeta u obzir prilikom bodovanja nije osnovana, jer se na osnovu navedene Potvrde ne dobijaju dodatni bodovi, nego ista služi kao dokaz na osnovu kojeg se ostvaruje pravo na dodatne bodove za kategorije utvrđene Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, gradu Sarajevo i općinama u Kantonu Sarajevo („Službene novine Kantona Sarajevo“, br. 37/20 i 27/21).

Obzirom da je Prigovor Podnositelja formalno pravno ispravan (blagovremen, podnesen od strane ovlaštene osobe i potpun), Upravni odbor je činjenice slučaja, rezimirao na sljedeći način:

- Da je Dekan Univerziteta u Sarajevu – Šumarskog fakulteta u skladu sa odredbom člana 8. Uredbe o postupku prijema u radni odnos u javnom sektoru na teritorij Kantona Sarajevo („Službene novine Kantona Sarajevo“, br. 19/21 i 10/22) -- (u daljem tekstu: *Uredba*) imenovao Komisiju za provođenje postupka prijema u radni odnos iz reda zaposlenika Univerziteta u Sarajevu – Šumarskog fakulteta, koja je provela proceduru prijema u radni odnos prema fazama utvrđenim tom Uredbom.
Stoga Upravni odbor Univerziteta u Sarajevu konstatira da je imenovana Komisija po tom osnovu imala ovlaštenje/nadležnost za postupanje.
- Da je imenovana Komisija donijela Poslovnik o radu Komisije za provođenje javnog oglasa za prijem u radni odnos na neodređeno vrijeme, broj: 01/1-3737/22 od 16. 12. 2022. godine (u daljem tekstu: *Poslovnik*), kojim je regulirala način rada Komisije.
- Da je predmetnim poslovnikom preciziran način provođenja usmenog ispita, kao i način bodovanja, a to je da se bodovanje vrši u rasponu od 1 do 5 bodova, te na osnovu kriterija za bodovanje utvrđenih članom 18. predmetnog Poslovnika, a što je primijenjeno u konkretnom slučaju.
- Da iz dostavljene Liste uspješnih kandidata predočene Dekanu Univerziteta u Sarajevu – Šumarskog fakulteta na osnovu koje je Dekan donio predmetnu Odluku proizilazi da je za

podnositeljicu Prigovora uzeta u obzir Potvrda/uvjerenje o nezaposlenosti JU Službe za zapošljavanje Kantona Sarajevo, jer je na osnovu iste ostvarila dodatne bodove, i


- da je kompletnu proceduru pratio supervizor koji je imenovan od strane Ureda za borbu protiv korupcije i upravljanje kvalitetom Kantona Sarajevo, sa zadatkom da kao nepristrano lice vrši nadzor nad provođenjem postupka prijema u radni odnos, te da isti nije imao primjedbe ni u pogledu povrede pravila postupka, kao ni na rad imenovane Komisije.

U odnosu na prethodno rečeno, Upravni odbor Univerziteta u Sarajevu konstatira da je prvostepeno tijelo, dekan Univerziteta u Sarajevu – Šumarskog fakulteta donoseći Odluku o prijemu radni odnos, broj: 01/1-293/23 od 31. 01. 2023. godine, istu donio u skladu sa pozitivno-pravnim propisima.

S obzirom na naprijed naznačeno, Upravni odbor Univerziteta u Sarajevu odlučio je kao u dispozitivu.

Pouka o pravnom lijeku:

Ova Odluka je konačna i protiv iste se može podnijeti tužba pred nadležnim sudom u roku od 30 dana od dana prijema ove Odluke.



**PREDSJEDNIK
UPRAVNOG ODBORA**

Dr. sc. Murat Ramadanović

Dostaviti:

- Podnositeljici prigovora, putem članice Univerziteta u Sarajevu – Šumarskog fakulteta na adresu ul. Muzafera Mašića br. 59, Sarajevo, BiH
- Univerzitetu u Sarajevu – Šumarskom fakultetu
- Predsjedniku i članovima UO
- U dokumentaciju UO
- Generalnom sekretaru
- a/a

**-UPRAVNI ODBOR-**

Broj: 02-6-7/23

Sarajevo, 21. 02. 2023. godine

Na osnovu člana 59. Zakona o visokom obrazovanju („Službene novine Kantona Sarajevo“, broj 36/22), člana 62. Statuta Univerziteta u Sarajevu, te člana 37. stav (2) Poslovnika o radu Upravnog odbora Univerziteta u Sarajevu, Upravni odbor Univerziteta u Sarajevu je, na 12. redovnoj sjednici održanoj, *elektronskim putem*, dana 21. 02. 2023. godine, donio *s l i j e d e ć i*

ZAKLJUČAK

1. Usvaja se Izvještaj Centralne komisije za zakup prostora na Univerzitetu u Sarajevu o prostorima članica Univerziteta izdatih u zakup u 2022. godini, broj: 0101-1789-1/23 od 09. 02. 2023. godine, uz pripadajuću evidenciju.
2. Izvještaj iz tačke 1. čini sastavni dio ovog Zaključka.

**PREDSJEDNIK
UPRAVNOG ODBORA***Dr. sc. Murat Ramadanović*

Dostaviti:

- Centralna komisija za zakup prostora UNSA
- Rektor
- Predsjedniku i članovima UO UNSA
- Generalnom sekretaru
- Izvršnom direktoru
- U dokumentaciju UO UNSA
- Arhivi

**-UPRAVNI ODBOR-**

Broj: 02-6-8/23

Sarajevo, 21. 02. 2023. godine

Na osnovu člana 59. Zakona o visokom obrazovanju („Službene novine Kantona Sarajevo“, broj: 36/22), člana 55. Statuta Univerziteta u Sarajevu, a u vezi sa članom 3. tačka b) i članom 10. stav (3) Pravilnika o zakupu prostora na Univerzitetu u Sarajevu (prečišćeni tekst) broj: 02-10-9-1/21 od 18. 03. 2021. godine i članom 37. stav (1) Poslovnika o radu Upravnog odbora Univerziteta u Sarajevu, a u vezi sa Zaključkom Upravnog odbora Univerziteta u Sarajevu broj: 02-1-22/23 od 30. 01. 2023. godine, Upravni odbor Univerziteta u Sarajevu, na 12. (dvanaestoj) redovnoj sjednici održanoj elektronskim putem dana 21. 02. 2023. godine, donio je *s l j e d e ć u*

ODLUKU**I**

Daje se **saglasnost** za zaključenje Ugovora o zakupu poslovnog prostora u okviru članice, Univerziteta u Sarajevu – Pravnog fakulteta u kojem se na strani zakupodavca javlja Univerzitet u Sarajevu, a na strani zakupoprimca „URBAN LIFE“ d.o.o. Sarajevo.

II

Predmet zakupa je poslovni prostor ukupne površine 31,4 m², koji se nalaze u objektu Univerziteta u Sarajevu – Pravnog fakulteta, na adresi Obala Kulina bana br. 7.

III

Mjesečna zakupnina prema Ugovoru iz tačke I ove Odluke iznosi 16,8 KM po m² u ukupnom iznosu od 527,52 KM (slovima: petstotinadvadesetsedam i 52/100 konvertibilnih maraka), bez PDV-a.

IV

Ugovor o zakupu poslovnog prostora iz tačke I ove Odluke se zaključuje na period od 1 (jedne) godine, počevši od datuma potpisivanja predmetnog Ugovora.

V

Ova odluka stupa na snagu danom donošenja.

Obrazloženje

Upravnom odboru Univerziteta u Sarajevu je, posredstvom Centralne komisije za poslovne prostore Univerziteta u Sarajevu, rektor Univerziteta u Sarajevu dostavio Izvještaj o izboru najpovoljnijeg ponuđača i Prijedlog ugovora o zakupu poslovnog prostora u okviru članice –

Univerziteta u Sarajevu – Pravnog fakulteta u kojem se na strani zakupodavca javlja Univerzitet u Sarajevu, a na strani zakupoprirnca „URBAN LIFE“ d.o.o.

Dostavljeni Prijedlog ugovora o zakupu je razmatran na 11. redovnoj sjednici Upravnog odbora Univerziteta u Sarajevu održanoj 30. 01. 2023. godine na kojoj je na osnovu usmenog izdvojenog mišljenja člana Centralne komisije za zakup prostora Univerziteta u Sarajevu datog na samoj sjednici Upravnog odbora, donesen Zaključak, broj: 02-1-22/23, kojim se odlaže razmatranje Zahtjeva Univerziteta u Sarajevu – Pravnog fakulteta za davanje saglasnosti za zaključenje Ugovora o zakupu poslovnog prostora u okviru članice Univerziteta u Sarajevu – Pravnog fakulteta, broj: 01-103/23 od 24. 01. 2023. godine. Istim je utvrđena obaveza Centralnoj komisiji za poslove prostore Univerziteta u Sarajevu da Upravnom odboru Univerziteta u Sarajevu dostavi mišljenje u vezi člana 5. i člana 7. predloženog Ugovora.

U odnosu na date primjedbe (usmenim putem) od strane Centralne komisije za zakup prostora, Univerzitet u Sarajevu – Pravni fakultet je dana 06. 02. 2023. godine ponovno dostavio Zahtjev za davanje saglasnosti za zaključivanje ugovora o zakupu, sa usaglašenim tekstom prijedloga ugovora o zakupu, bez spornih stavova prethodno naznačenih.

Razmatrajući isti i postupajući po Zaključku Upravnog odbora, Centralna komisija za poslovne prostore Univerziteta u Sarajevu je na sjednici održanoj 10. 02. 2023. godine, dala mišljenje u odnosu na odredbe člana 5. i člana 7. prethodno razmatranog Ugovora i potvrdu o usklađenosti teksta ponovo dostavljenog Ugovora i provedenog Javnog oglasa.

U odnosu na naznačeno, Upravni odbor Univerziteta u Sarajevu daje saglasnost na predmetni ugovor kojim se u zakup daje poslovni prostor u okviru članice, Univerziteta u Sarajevu – Pravnog fakulteta u kojem se na strani zakupodavca javlja Univerzitet u Sarajevu, a na strani zakupoprirnca „URBAN LIFE“ d.o.o. Sarajevo.

Cijeneći navedeno, donesena je odluka kao u dispozitivu.



**PREDSJEDNIK
UPRAVNOG ODBORA**

Dr. sc. Murat Ramadanović

Dostaviti:

- Rektor
- Univerzitetu u Sarajevu – Pravnom fakultetu
- Centralnoj komisiji za zakup prostora UNSA
- ☒ Predsjedniku i članovima UO UNSA
- Internom revizoru
- Generalnom sekretaru
- Služba za računovodstvo i finansije UNSA
- U dokumentaciju Upravnog odbora UNSA
- a/a

Univerzitet u Sarajevu – Obala Kulina bana 7/II, 71000 Sarajevo – Bosna i Hercegovina
Telefon: ++387(33)226-378; ++387(33)668-250 - fax: ++387(33)226-379

<http://www.unsa.ba>
[email: javnost@unsa.ba](mailto:javnost@unsa.ba)

**-UPRAVNI ODBOR-**


Broj: 02-6-9/23

Sarajevo, 21. 02. 2023. godine

Na osnovu člana 59, a u vezi sa članom 121. Zakona o visokom obrazovanju („Službene novine Kantona Sarajevo“, broj: 36/22) i člana 37. stav (2) Poslovnika o radu Upravnog odbora Univerziteta u Sarajevu, u vezi sa Odlukom Vijeća Univerziteta u Sarajevu – Elektrotehničkog fakulteta o dopuni Dinamičkog plana potreba za raspisivanje konkursa za izbor u zvanje u akademskoj 2022/2023. godine, broj: 01-339-4/23 od 06. 02. 2023. godine, Upravni odbor Univerziteta u Sarajevu je, na 12. (dvanestoj) redovnoj sjednici održanoj elektronskim putem dana 21. 02. 2023. godine, donio *s l j e d e ć i*

Z A K L J U Č A K

1. Prima se k znanju Dopuna Dinamičkog plana potreba za raspisivanje konkursa za izbor u zvanja na Univerzitetu u Sarajevu – Elektrotehničkom fakultetu za studijsku 2022/2023. godinu, utvrđena Odlukom Vijeća Univerziteta u Sarajevu – Elektrotehničkog fakulteta, broj: 01-339-4/23 od 06. 02. 2023. godine.
2. Izmjena Dinamičkog plana potreba za raspisivanje konkursa za izbor u zvanja iz tačke 1. ovog zaključka čini sastavni dio ovog zaključka.

**PREDSJEDNIK
UPRAVNOG ODBORA****Dr. sc. Murat Ramadanović****Dostaviti:**

- Rektor Univerziteta u Sarajevu
- Univerzitetu u Sarajevu – Elektrotehničkom fakultetu
- Predsjedniku i članovima Upravnog odbora Univerziteta u Sarajevu
- Generalnom sekretaru Univerziteta u Sarajevu
- Službi za ljudske resurse Univerziteta u Sarajevu
- U dokumentaciju Upravnog odbora Univerziteta u Sarajevu
- Arhivi

**-UPRAVNI ODBOR-**

Broj: 02-6-10/23

Sarajevo, 21. 02. 2023. godine

Na osnovu člana 59., a u vezi sa članom 121. Zakona o visokom obrazovanju („Službene novine Kantona Sarajevo“, broj: 36/22) i člana 37. stav (2) Poslovnika o radu Upravnog odbora Univerziteta u Sarajevu, u vezi sa Odlukom Vijeća Univerziteta u Sarajevu – Fakulteta političkih nauka o izmjeni Dinamičkog plana potreba za raspisivanje konkursa za izbor u zvanje u akademskoj 2022/2023. godine, broj: 02-1-170/23 od 07. 02. 2023. godine, Upravni odbor Univerziteta u Sarajevu je, na 12. (dvanestoj) redovnoj sjednici održanoj elektronskim putem dana 21. 02. 2023. godine, donio *s l j e d e ć i*

ZAKLJUČAK

1. Prima se k znanju Izmjena Dinamičkog plana potreba za raspisivanje konkursa za izbor u zvanja na Univerzitetu u Sarajevu – Fakultetu političkih nauka za studijsku 2022/2023. godinu, utvrđena Odlukom Vijeća Univerziteta u Sarajevu – Fakulteta političkih nauka, broj: 02-1-170/23 od 07. 02. 2023. godine.
2. Izmjena Dinamičkog plana potreba za raspisivanje konkursa za izbor u zvanja iz tačke 1. ovog zaključka čini sastavni dio ovog zaključka.

**PREDSJEDNIK
UPRAVNOG ODBORA****2 Dr. sc. Murat Ramadanović****Dostaviti:**

- Rektor Univerziteta u Sarajevu
- Univerzitetu u Sarajevu – Fakultetu političkih nauka
- Predsjedniku i članovima Upravnog odbora Univerziteta u Sarajevu
- Generalnom sekretaru Univerziteta u Sarajevu
- Službi za ljudske resurse Univerziteta u Sarajevu
- U dokumentaciju Upravnog odbora Univerziteta u Sarajevu
- Arhivi

**-UPRAVNI ODBOR-**


Broj: 02-6-11/23

Sarajevo, 21. 02. 2023. godine

Na osnovu člana 59., a u vezi sa članom 121. Zakona o visokom obrazovanju („Službene novine Kantona Sarajevo“, broj: 36/22) i člana 37. stav (2) Poslovnika o radu Upravnog odbora Univerziteta u Sarajevu, u vezi sa Odlukom Vijeća Univerziteta u Sarajevu – Fakulteta za kriminalistiku, kriminologiju i sigurnosne studije o korekciji tehničke greške u Tabeli 3. Dinamičkog plana potreba za raspisivanje konkursa za izbor u zvanje u akademskoj 2022/2023. godine, broj: 03-02-538/23 od 07. 02. 2023. godine, Upravni odbor Univerziteta u Sarajevu je, na 12. (dvanestoj) redovnoj sjednici održanoj elektronskim putem, dana 21. 02. 2023. godine, donio *s l j e d e ć i*

ZAKLJUČAK

1. Prima se k znanju ispravka tehničke greške Dinamičkog plana potreba za raspisivanje konkursa za izbor u zvanja na Univerzitetu u Sarajevu – Fakultetu za kriminalistiku, kriminologiju i sigurnosne studije za studijsku 2022/2023. godinu, utvrđena Odlukom Vijeća Univerziteta u Sarajevu – Fakulteta za kriminalistiku, kriminologiju i sigurnosne studije, broj: 03-02-538/23 od 07. 02. 2023. godine.
2. Korekcija tehničke greške Dinamičkog plana potreba za raspisivanje konkursa za izbor u zvanja iz tačke 1. ovog zaključka čini sastavni dio ovog zaključka.

**PREDSJEDNIK
UPRAVNOG ODBORA****Dr. sc. Murat Ramadanović**

Dostaviti:

- Rektor Univerziteta u Sarajevu
- Univerzitetu u Sarajevu – Fakultetu za kriminalistiku, kriminologiju i sigurnosne studije
- Predsjedniku i članovima Upravnog odbora Univerziteta u Sarajevu
- Generalnom sekretaru Univerziteta u Sarajevu
- Službi za ljudske resurse Univerziteta u Sarajevu
- Ⓢ U dokumentaciju Upravnog odbora Univerziteta u Sarajevu
- Arhivi

**-UPRAVNI ODBOR-**


Broj: 02-6-12/23

Sarajevo, 21. 02. 2023. godine

Na osnovu člana 59, a u vezi sa članom 121. Zakona o visokom obrazovanju („Službene novine Kantona Sarajevo“, broj: 36/22) i člana 37. stav (2) Poslovnika o radu Upravnog odbora Univerziteta u Sarajevu, u vezi sa Odlukom Vijeća Univerziteta u Sarajevu – Građevinskog fakulteta o izmjeni i dopuni Dinamičkog plana potreba za raspisivanje konkursa za izbor u zvanje u akademskoj 2022/2023. godine, broj: 02-1-166/23 od 31. 01. 2023. godine, Upravni odbor Univerziteta u Sarajevu je, na 12. (dvanestoj) redovnoj sjednici održanoj elektronskim putem, dana 21. 02. 2023. godine, donio *s l j e d e ć i*

ZAKLJUČAK

1. Prima se k znanju Izmjena i dopuna Dinamičkog plana potreba za raspisivanje konkursa za izbor u zvanja na Univerzitetu u Sarajevu – Građevinskom fakultetu za studijsku 2022/2023. godinu, utvrđena Odlukom Vijeća Univerziteta u Sarajevu – Građevinskog fakulteta, broj: 02-1-166/23 od 31. 01. 2023. godine.
2. Izmjena i dopuna Dinamičkog plana potreba za raspisivanje konkursa za izbor u zvanja iz tačke 1. ovog zaključka čini sastavni dio ovog zaključka.

**PREDSJEDNIK
UPRAVNOG ODBORA****Dr. sc. Murat Ramadanović**

Dostaviti:

- Rektor Univerziteta u Sarajevu
- Univerzitetu u Sarajevu – Građevinskom fakultetu
- Predsjedniku i članovima Upravnog odbora Univerziteta u Sarajevu
- Generalnom sekretaru Univerziteta u Sarajevu
- Službi za ljudske resurse Univerziteta u Sarajevu
- U dokumentaciju Upravnog odbora Univerziteta u Sarajevu
- Arhivi

**-UPRAVNI ODBOR-**


Broj: 02-6-13/23

Sarajevo, 21. 02. 2023. godine

Na osnovu člana 59., a u vezi sa članom 121. Zakona o visokom obrazovanju („Službene novine Kantona Sarajevo“, broj: 36/22) i člana 37. stav (2) Poslovnika o radu Upravnog odbora Univerziteta u Sarajevu, u vezi sa Odlukom Vijeća Univerziteta u Sarajevu – Pravnog fakulteta o dopuni Odluke o usvajanju Dinamičkog plana potreba za raspisivanje konkursa za izbor u zvanje u akademskoj 2022/2023. godine, broj: 01-82-1/23 od 01. 02. 2023. godine, Upravni odbor Univerziteta u Sarajevu je, na 12. (dvanestoj) redovnoj sjednici održanoj elektronskim putem, dana 21. 02. 2023. godine, donio *s l j e d e ć i*

ZAKLJUČAK

1. Prima se k znanju Dopuna Dinamičkog plana potreba za raspisivanje konkursa za izbor u zvanja na Univerzitetu u Sarajevu – Pravnom fakultetu za studijsku 2022/2023. godinu, utvrđena Odlukom Vijeća Univerziteta u Sarajevu – Pravnog fakulteta, broj: 01-82-1/23 od 01. 02. 2023. godine.
2. Dopuna Dinamičkog plana potreba za raspisivanje konkursa za izbor u zvanja iz tačke 1. ovog zaključka čini sastavni dio ovog zaključka.

**PREDSJEDNIK
UPRAVNOG ODBORA*****Dr. sc. Murat Ramadanović***

Dostaviti:

- Rektor Univerziteta u Sarajevu
- Univerzitetu u Sarajevu – Pravnom fakultetu
- Predsjedniku i članovima Upravnog odbora Univerziteta u Sarajevu
- Generalnom sekretaru Univerziteta u Sarajevu
- Službi za ljudske resurse Univerziteta u Sarajevu
- ☉ U dokumentaciju Upravnog odbora Univerziteta u Sarajevu
- Arhivi